

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj : 32 0 St 460057 24 St
Tuzla, 15.05.2024. godine

Općinski sud u Tuzli, stečajni sudija Vedran Milašinović, u postupku prethodnog ispitivanja prijedloga za otvaranje stečajnog postupka nad dužnikom „COMIX“ d.o.o. za vanjski i unutarnji promet roba i usluga Tuzla, ul. Put Ilinčica br. 9, dana 15.05.2024. godine donio je slijedeće,

RJEŠENJE

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „COMIX“ d.o.o. za vanjski i unutarnji promet roba i usluga Tuzla, ul. Put Ilinčica br. 9.

Za privremenog stečajnog upravnika imenuje Almir Bajrić iz Tuzle, Aleja Alije Izetbegovića 3B.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- obezbijediti imovinu dužnika i starati se o istoj,
- ima ovlaštenja da uđe u poslovne prostorije dužnik i provede neophodne radnje,
- utvrditi da li postoji razlog za otvaranje stečajnog postupka,
- ispitati da li će imovina stečajnog dužnika pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i
- uraditi kontrolu poslovanja stečajnog dužnika.
- kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez

odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Grada Tuzla, radi upisa zabilježbe otvaranja prethodnog postupka.

Obrazloženje

„COMIX“ d.o.o. za vanjski i unutarnji promet roba i usluga Tuzla, ul. Put Ilinčica br. 9, kao dužnik podnio je dana 13.02.2024. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagача u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 03.04.2024. godine, naložio je predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagач je dana 14.05.2024. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to; uvjerenje UIO BiH od 21.02.2024. godine, dostava podataka registra ovog suda od 26.02.2024. godine, potvrda NLB banke d.d. Sarajevo od 21.02.2024. godine, JIB broj od 23.02.2024. godine, bilans stanja na dan 31.12.2023. godine, bilans uspjeha za period od 01.01.-31.12.2023. godine, posebni podaci o plaćama i broju zaposlenih uz godišnji obračun od 01.01.-31.12.2023. godine, aneks dodatni računovodstveni izvještaj za privredna društva od 01.01.-31.12.2023. godine, godišnji izvještaj o investicijama za 2023. godinu, obračun članarine od 01.01.-31.12.2023. godine, obračun naknade za korištenje, zaštitu i unapređenje šuma za period od 01.01.-31.12.2023. godine, izvještaj o obračunatim uplaćenim vodnim naknadama za period od 01.01.-31.12.2023. godine, izvještaj o obračunatom i uplaćenom posebnom porezu za zaštitu od prirodnih i drugih nesreća za period 01.01.-31.12.2023. godine, obavijest o razvrstavanju za period od 01.01.-31.12.2023. godine, izjava o primijenjenom standardu finansijskog izvještaja od 14.02.2024. godine, bilješke uz finansijske izvještaje za period od 01.01.-31.12.2023. godine, odluka o prijedlogu za pokriće gubitka za period od 01.01.-31.12.2023. godine, odluka o utvrđivanju finansijskog izvještaja za period od 01.01.-31.12.2023. godine, odluka o prestanku rada društva i pokretanju stečajnog postupka od 12.02.2024. godine, predlagач je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 03.04.2024. godine, zastupnik izjavljuje da društvo ne posluje od 2013. godine kada su nastupili određeni problemi u odnosu sa tadašnjom Hypo Alpe Adria bankom kod koje je zakonski zastupnik imao biznis karticu, te je navedena banka poslala zahtjev za blokadu računa NLB banci kod koje se vodio glavni račun društva. S obzirom da zbog navedenog se nije moglo poslovati preko računa nakon toga su uslijedile i druge blokade pri čemu prvenstveno obaveze prema PU F BiH KPU Tuzla. Društvo ima obaveze prema PU F BiH KPU Tuzla u iznosu navedenom u dostavljenom uvjerenju s tim da je visina glavnice oko 8.000,00 KM a ostatak su zatezne kamate. Društvo također ima obaveza prema UIO BH ali ne u znatnom iznosu od 199,00 KM glavni dug a sve ostalo su kamate. Društvo nema obaveza prema trećim licima. Društvo nema zaposlenika svi su kod PU F BiH KPU Tuzla objavljeni. Račun društva je blokiran od 2016. godine. Društvo nema pokretnih stvari, nema nekretnina niti novčanih sredstava.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijea u neprekidnom trajanju dužem od 60 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagача sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

Stečajni sudija
Vedran Milašinović

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.